

沂州府志卷之三十五

近體詩

唐

海曲書情

駱賓王

溥遊倦千里勞生負百年未能槎上漢詎肯劔遊燕白雪照春
海青山橫曙天江濤讓雙壁渭水擲三錢坐惜風光晚長歌獨
嘯然

遠使海曲春夜多懷

前名

長嘯三春晚端居百慮盈未安蝴蝶夢遽切魯禽情別島連寰
離魂斷戍城流星疑伴使徂月似依營懷祿寧期達牽時非

沂州府志

卷之三十五

藝文

一

得各艱虞行已遠昧跡自相驚

魯都東石門送杜甫

李白

辭後復幾日登臨徧池臺何時石門路重有金尊開秋波落泗
水海色明徂徠飛蓬各自遠且盡酒中杯

蘭陵客中作

前名

蘭陵美酒鬱金香玉盃盛來琥珀光但使主人能醉客不知何
處是他鄉

與李白同尋范隱居

杜甫

李侯有佳句往往似陰鏗余亦東蒙客憐君如弟兄醉眠秋共
被攜手日同行更想幽期處還尋北郭生入門高興發侍立小

重清落景聞寒杵屯雲對古城向來吟橘頌誰欲討尊羹不願
論簪笏悠悠滄海情

棲中山寺

白居易

閑泊池舟靜掩扉老身慵出客來稀愁因暮雨留教住春被殘
鶯喚遣歸揭甕始嘗新熟酒開箱試看舊生衣冬裘夏葛相催
從垂老光陰速似飛

梁

贈自然白太師

文彥博

平初清溪絕世紛先生高臥白雲根近來名繫丹臺籍多向蒙

出見羨門

沂州府志

卷之三十五

藝文

二

元豐七年有詔京東淮南築高麗亭館密海二州騷然有

逃亡者明年軾過之歎其壯麗留一絕云

蘇軾

瓦楹飛舞垣墉外桑柘蕭條斤斧餘盡使渾邪作僕婢不知償
待此人無

寄賀元二首

前名

嘗聞父老晉郎官已作飛騰變化看聞道東家
有居處願供菽

水看燒丹

嘗謁東風玉露塵幅巾短褐亦逡巡行宮夜奏空名姓悵望雲

縹緲人

生長兵間早脫身晚爲元祐太平人不驚滄海桑田變來看龜
蒙漏泄春

明

過穆陵關

宋延年 益都人

穆陵千嶂鬱崔嵬十二河山入望來霸業已隨流水去民居猶
傍斷巖開嵯岬路盡穿陵谷畚鍤人稀盛草萊少日終軍今白
首關門莫道棄繻回

屋樓山

陳重器 臨江人

城陽之東青山繞晨霞掩映疑蓬島
瑶草金芝滿澗阿翠霧烟嵐出林杪
愛看芳樹春早歸坐惜落花人不掃
誰能此地學長生飯我青精顏色好

箕屋山

前名

聯綿山勢相延屬皎皎青暉散林木
野老凌晨礪斧斤村童向暮驅牛犢
坐招遠樹來清風結伴閒雲出幽谷
數聲短笛手中沂州府志卷之三十五
藝文吹盡是人間太平曲

四

題孝婦塚

張世則 郟城人

郭外孤村孝婦邱淒淒宿莽幾經秋
芳標不逐年華改往跡猶隨史冊留
會動旻天來旱魃空令良吏熾煩憂
漢家對簿真何事豈獨韓楊趙蓋愁

蒙陰道中

董仲言

敝裘羸馬出琅邪古道西風日正斜
村婦入山收橡實愁僧刮石取膏茶
孤峯寺左飄殘瓦獨木橋邊倚斷槎
野老見人情意豁土牀邀坐剖寒瓜

忠孝祠

李士允

異代憐同羊茲邦邇有人孤忠誓復漢純孝實通神家國貽謀
遠山川間氣鄰臥龍無舊址躍鯉但荒濱弔古荆榛裏崇賢廟
貌新爭光扶日月並祀合經綸地闢芸牕秀天開蕙幔春佩刀
瞻氣象羽扇出風塵奮跡充閭里風流邁等倫猶如供膳日想
見出師辰往事悲陵谷浮生媿子臣千秋恒仰止誰與畫麒麟
夏日同張僉憲登沂州南樓
前名

宿巨峯朝陽洞

藍田卽墨人

沂州府志

卷之三十五

藝文

五

石洞丹梯上掀髯一笑留山高礙新月潮長失孤舟樵笛穿林
入漁燈隔島浮客懷渾不寐直擬訪蓬邱

馬陵山卽事

李燧

亂峯深處兩三家流水聲中老歲華雞犬不驚籬外客牛羊常
臥隴頭霞涼生石竇朝來雨色映文欄夜落花皤髮山翁無底
事倚門閒看鬧蜂衙

浮來山

陳順華亭人

極目浮來外西沉
返照間餘暉
斜帶樹殘影
正啣山飛塞
征鴻度
衝烟宿鳥還
故盟從此地
荒草色爛斑

見蒙書屋

公家臣
蒙陰人

卜築東蒙下
幽棲久閉關
竹書餘萬帙
茅屋只三間
習懶風塵迴
忘機鳥雀閒
悠然山在望
相對自開顏

宿鳳凰山店

日照南五十里

楊繼盛
容城

羨君堪作王家瑞
愧我徒爲食祿臣
不是未酬憂國恨
願披簑笠結東鄰

自東萊還蒙山過穆陵

公鼐
蒙陰

昔日齊侯履南疆
盡此封諸山
沂作鎮五嶽
岱爲宗
霸國猶餘沂州府志

卷之三十五

藝文

六

業重關識舊踪
故園相去近
回首海雲重

沐水道中

前名

沐水源從大峴西
穆陵天險控
三齊傍巖烟
火關城近出
谷雲霞海氣低
雙鬢征塵宵
駐馬一燈鄉
思夜聞雞
逢人但問東
牟道不覺春
深岸草萋

南竺寺

前名

晚霞掛重塔
微月碧殿空
林壑松檜響
十里聞秋風

同陳徐二生遊南竺

前名

古殿瞻蒙阜
前當第一峯
朱甍藏翡翠
青嶂削芙蓉
覽勝晨登塔
參禪夜叩鐘
何期隨孺子
更喜侍元龍

詠懷古跡

前名

瑯邪山北有高臺三島雲生玉宇開徐市至今留海嶠羨門何
日下蓬萊昨宵周道歌黃竹明日秦碑長綠苔驅石但成子
笑長城遺跡使人哀

謁沂北閔子祠

前名

萬壑松風滿虛無古殿陰已知辭費後應更入山深欲薦寒
潔行來碧草侵數年棲汶上仰止愜予心

汶南別業秋居

前名

向晚烟彌望秋山更可看九霄孤鶴唳一壑萬松寒客話桑麻
舊家收禾黍殘明農吾分事身世此相安

沂州府志

卷之三十五

藝文

七

初春出郭望蒙山雪色

前名

出郭春風放柳衙飛鴻點點過晴沙橫空河漢含珠斗映日
峒吐玉華幽夢常聞緱氏曲舊遊還憶武陵花採真欲問丹臺

路羽蓋何時入紫霞

周義山真人入蒙山
遇羨門子執羽蓋

岸墟道中

前名

東遊多勝跡行役卽登臨旅食溪堪釣醉眠風滿襟夏雲隨地
起曠氣入林深湛湛汶川水南來若有心

莒州道中

公 薰

遠樹寒烏起荒城野色分氣蒸疑近海山迥盡迎雲奔莒竟何
處伐郊空復闢平生懷古意况值對斜曛

東安城

前名

禾黍離離覆短牆黑雲千頃晝茫茫一問草屋祠山鬼幾尺簔
城屬海王歸鳥漸從村樹沒晚風遙送荳花香故人只在牆東
臥手拍柴門解客囊

瑯邪王塚

周京

沂州人

禾黍蕭蕭晉代宮尚餘高塚卧秋風新亭幾許神州淚盡入空
原一望中

卧冰河

前名

躍鯉河邊樹色蒼粉榆祠廟對斜陽佩刀去後無消息淮水還
如衣帶長

沂州府志

卷之三十五

藝文

諸葛城

前名

三分籌策已茫茫魚腹千秋戰壘黃馬上欲尋龍卧處空城斜
日下牛羊

王祥墓

舒祥

新安

荒邱經歲久衰草鎖寒烟事業歸三篋衣冠賁九泉鶴隨華表
失狸傍斷碑眠多少當時事都憑故老傳

石駝山

申其學

日

層巒屹立半凌空轟峙西偏第一峰澗底野花浮碧水崖頭
鳥喚蒼松徑開亂竹斜依戶寺納微雲遠聽鐘一片晴光看不
盡猶傳石洞有仙蹤

重遊聖水坊

楊光溥 沂水

仙境無人久寂寥從來山色鮮相招烟霞籠樹春還在蒼草熏
人酒易消洞口寒泉飛若雨水邊仆柳卧成橋擔頭正苦詩囊
重却被東風也上挑

穆陵停雪

前名

同雲消盡暮天晴山北山南照眼明鳥向水晶屏外過人從雲
母鏡中行柳花冷覆長春苑日影橫鋪不夜城却憶藍關迷逐
客馬蹄偃蹇踏瑤瓊

琅邪西望

京東道
戴焯

海日斜飛生遠心青楓搖落向空林海疆孤嶂來秋色魯殿浮

沂州府志

卷之三十五

藝文

九

雲起夕陰浴鷺汀寒紅蓼亂籠鷺人去墨池深停杯一數千年
事隔水空聽向晚砧

題中山寺

公一柵

行踏千峯鳥道懸藤蘿曲護石斑斑山腰暮雨歸樵濕松頂巢
雲放鶴還欲脫塵襟尋靜土誰將靈藥駐朱顏龍函半偈都無
有寥落殘僧補衲閒

蒙山仙洞

李炯然

仙人飛去向蓬山洞府無人殿不關丹竈尚餘松醖黑石牀惟
有蘚痕斑月明綠樹猿空嘯日暝青山鶴自還何日得捐冠冕
繫此身來伴白雲閒

蒙山登翠

公躋奎

名山高並已無多此去遙天能幾何
雨過烟光明翠黛日斜樹色映青螺
斗牛森列仙峯近虎豹參差鳥道訛
安得拂衣凌絕頂白雲叢裏發長歌

前題

公一揚

芙蓉千疊繞銀河秀出東蒙翠不磨
好是春來新雨過石華香結白雲多

汶水拖藍

前名

汶河南匯帶晴沙渺渺拖藍繞岸斜
萬里秋光天似洗清風輕漾浪中花

沂州府志

卷之三十五

藝文

十

堂阜遺跡

公躋奎

小白溝中學匹夫相扶霸業並
昆吾春秋百代留遺跡堂阜千年入壯圖
禍福塞翁疑失馬險危蒙慶夢啼鳥
祇因鮑叔吹嘘方管仲何須待價沽

顓臾廟

彭勗

永豐

蒙山突兀魯城東巨石如龜鎮上峯
為問顓臾今有祀季孫富過周公

艾山懷古

老撒

滿山松檜老風霜流水漂花遠澗香
盟會有基人到少但聞啼鳥送斜陽

贈彭太巖遵化縣殉難詩

名文炳

顏習孔 沂州

四野笳聲萬馬橫
揮戈誓欲捍孤城
蒼天無意留飛將
邊地何人呼救兵
霜鬢慈幃先就死
冰捺內子共捐生
道旁墮盡行人淚
誰向君王說姓名

登排鼓城

王乘錄 沂州

何代仙人掌中天
擘石門城連山嶂
削池受海雲昏陣
壁猶圖壘功碑沒
蘚痕將軍靈爽在
風壑萬蟄屯

國朝

山蠶詞四首

王士正

清溪榭葉始濛濛
樹底春蠶葉葉通
曾說蠶叢蜀道險
誰知齊

沂州府志

卷之三十五

藝文

十一

道亦蠶叢

那問蠶奩更火箱
春山到處是蠶房
榭林正綠椒園碧
閑却猗

猗陌上桑

春繭秋絲各自諳
一年三熟勝江南
柘蠶成後寒蠶續
不道吳

王八蠶蠶

尺五竿頭絡色絲
籠梭玉鑷動妍姿
紅閨小女生來慣
中婦流

黃定未知

蒙陰道中

趙進美

益都

高柳空村晚蕭蕭
向朔風寒沙交馬
跡暗樹出龜蒙一
徑溪流變千峯日
氣通亂餘存舊隱
猶見祝雞翁

海沂原有志散失已紛紛草創需謀野存疑見闕文山川齊魯
壯忠孝漢唐分有意成良史無才遜董君

弔丁室陳氏萬氏姒娣雙烈

吳瑄 長山

剛腸寸寸皆名節臨難猶嫌玉碎遲碧草黃沙罵賊血空山石
壁矢貞詩清風嶺上冰霜冷夜雨林中姒娣隨寄語泉臺休抱
恨今人不羨蔡文姬

除夕放賑寄懷三首

東兗道 徐惺

十里村村燈火出知為除夕使君來寸心報國愁中盡雙鬢憂
時暗裏催人事不知逢驛使天涯何處是寒梅聊將滿眼殘黎

沂州府志 卷之三十五 藝文

三

意一度消愁酒一杯

但使窮民能度歲何知今夕是殘年家庭杯酒雖云樂父老茅
簷也有緣處處炊烟歌

望主家家向火感蒼天縱余露宿空山曉覺勝華堂子夜眠

小民知我無須贈列炬殷勤送歲華村釀儘堪當竹葉園蔬聊
可頌椒花正愁薄宦風塵苦且避尋常俗吏譁待得來朝春色
到青山曉氣接晴霞

石曰所觀海

青州別駕 葉先登 閩人

滄溟極望接天遙萬里長風送曉潮幻氣曾聞蜃作市癡心誰
見石為橋波臣竇恠何年盛海國鯨鯢此日驕慷慨興懷被浪

者防秋矯矯正鳴鏢

登奎山

丁泰

沙浦山無數從高縱目看一拳稱砥柱千古障狂瀾人與星相聚天隨海共寬登臨莫長嘯足底有龍蟠

早發蒙陰道中書感

趙執信

山城曙色動征鞍客思遙和路屈盤半嶺烟拖霜影薄一林風戰葉聲乾賦因楊意凌雲易相比班超食肉難老我枯蓬任飄轉猶憐滾滾不知寒

孔望山

郟城令 馮可參

孔望峯頭海月明西風處處作秋聲殘碑斷碣知年遠廢址頽

沂州府志

卷之三十五 藝文

三

垣感代更山外孤村喧野雀湖中積水戲浮鱗當時盛蹟今何在一段荒涼畫不成

日照道中望海

曹貞吉 安邱

孰云斥鹵變桑田此際俄看一色天孤嶼雨晴尋蠓跡海門風起斷蛟涎波臣自護重溟險佑客誰操下瀨船日暮潮聲來枕上驚回旅夢轉淒然

過穆陵關

青州道 周亮工

大弁峯高雪意懸幾行凍柳映寒泉閒雲自逐孤鴻去衰草難招狡兔眠馬首旌旗殘歲月溪邊瓦礫舊風烟重裘不壓巖關冷却憶南來二月天

題望海樓

呂高

獨上高樓望海天烟波何處接神仙
桑山吞吐雲霞結屋閣虛無日月懸
白雉不傳洲島貢浮槎欲上斗牛邊
漢皇秦帝俱黄土元圃丹邱夢杳然

割耳庵

俗名千佛閣

鄭維

日照

雲影深深護草堂藤蘿爲徑柏爲牆
掃門人去因風力翻貝僮來借月光
蕉雨平侵鐘磬綠松花半拂衲衣香
支公禪定更深後天籟猶聞傍竹牀

遊嵐石山

丁士一

日照

西北饒奇秀山藏祇樹林白雲迷寺塔
黃葉冷禪心衣惹晴嵐沂州府志
卷之三十五

藝文

古

濕香從竹徑深深探幽興何極直上最高岑

見掃草子者感賦

前名

儉歲頻仍鵠面黃村烟欲斷日蒼涼
於今盼到西成後雜草翻同饁餉忙

重修傾蓋亭

屈復

蒲城

魯甸仍荒野郊封尚故坳頻來無侶客
重過舊時亭素紵孤雲白長松一蓋青
交情終不泯古道感飄零

六一書院卽事

日照令

成永健

鹽城

北城城下曲池陰結得茆廬愜素襟
世事閱來滋味少文章老去性情深
寺前野鳥隨幽磬樹外寒蟬送暮砧
每與諸生論藝

後登臨猶自弄絲音

初至海曲遣懷

前名

岐途歷盡復何論海曲山深到郭門百道橫流千仞壑萬株松
樹幾家村凋殘市井初驚眼冷落炊烟欲斷魂自是劫根消不
得夜來猶自把清樽

蒙署有感

蒙陰令 袁宸補

孤城偏處萬山中劫後殘黎九室空生聚已難憐吏苦追呼莫
怨恕民窮石田不受春秧綠巖岫惟看晚樹紅欲起瘡痍愁嘆
絕五風十雨願年豐

丁烈婦秦氏 丁士仔妻

安 箕 壽光

沂州府志 卷之三十五 藝文

五

蘭蕙香焚那忍題泉臺舉案亦眉齊遙知連理墳邊樹定有鷓
鴒比翼棲

穆陵常將軍廟 相傳戰國時人齊王命築長城以
忤意獲罪工人感其德立廟祀之

劉 倓 沂水

金椎隱怨不堪聞頸血橫飛謝主君淄水久湮齊社稷穆陵干
古有將軍

過陳孝子爨商廬墓處三首

丁士价 日照

一邱荒草織成茵苦塊餘生伴野燐
唼唼鳥聲啼月白夢魂恍
惚奉昏晨

已無杖履可隨遊只有松楸土一抔
入夜悲風呼不起開門空

自對荒邱

宿草橫生馬鬣封三年孝子骨支筇聞雷只說王哀在白鹿為鄰臥碧松

初泣蒙陰迎春前夜有感

蒙陰令 屈軼乘

歷歷寒宵待立春半簾明月照衣新不知門外凋殘景歌舞陽春有幾人

甲子冬日迎

蒙陰值雪恭紀

日照令 佟國瓚

遙瞻帳殿鬱崔嵬羣玉峯頭紫氣回萬姓歡呼傳盛事六花飛送六龍來

沂州府志

卷之三十五

藝文

六

堂阜遺蹟

蒙陰令 劉德彥

此地當年脫檻囚霸圖全賴叔牙謀從來國士無知己多少英雄老一邱

過駐兵嶺

卜 煥 日照

岫嶺傳來舊駐兵唐碑斑剝短牆橫風吹古壘荒烟靜潮捲新沙斷岸平野寺鐘沉千佛偈瘠田犁擁一僧耕徘徊曲徑斜陽下樹裏樓臺夾水明

石室

蒼山石洞傳為安期生煉丹處

秦 露 日照

懸崖通一線山盡又平沙何處灰成劫空傳棗似瓜丹爐迷藥使月窟枉仙槎若箇蓬壺客人生信有涯

三月喜雨

李希賢

膏澤當春暮農家好力田時時飛白鷺處處叱烏犍野暗村烟濕雲低隴樹連稍開新漲綠更放下江船

萬松山

前名

萬松山歷幾經年勝地新開景自然雙澗紆迴青嶂外一樓聳峙白雲邊清音謾謾笙簧奏疎影離離鬢鬢連從此

翠華臨幸後應同泰岱古今傳

春遊萬松山卽事

少宰 嵇璜無錫

望裏雲峯暖翠浮尋芳蘿逕窈然幽千重樹色含雙澗四面嵐烟抱一樓石畔敲詩真磊落雪中命酒更風流由來勝地欣初

沂州府志

卷之三十五

藝文

七

闕幾度停鞭不自由

萬斛塵中眼甃明無多巖壑總高濤偶來小試登山屐幾度蒼

髯解送迎

霏微霧色隱東蒙招隱曾傳杜句工嗟我本非塵外客到來不

覺愛山中

一株松壓萬株松謾謾寒濤翠蓋重老叟支離相伴在高情久

已陋秦封

隱埋七十二峯間勝地移來便不頑未許米顛輕下拜品竒空

繞上皇山

十名山夙有緣靈竒閱賞已千年知君名與茲山重過客慚

無好句傳

萬松山迎

鑾郎事和嵇少宰韻奉寄復菴太守

濟東道

朱若東

桂林

瞳矐初起瑞光浮藉輦芊芊細草幽曲折幾迷三島路高標爭
認列仙樓遙峯縹緲當牕見雙水滌洞繞座流

駐蹕郎今留盛蹟他年應共識根由

到來境地總空明尤愛澄潭絕底清守土漫虞供帳缺蒼松萬

箇解逢迎

遠山猶帶曉烟蒙旋現峯巒識化工

爲章初升雲盡斂縱橫蒼翠一樓中

沂州府志

卷之三十五

藝文

文

舊是山莊處士松移來更覺翠烟重竒花瑤草欣相伴絕勝籬

邊塵土封

松形如蓋凡五疊余客冬過田家曾物色之今爲太守移置物之遭際信有時哉

瓊瓏怪石繞亭間雅意經營總不頑寶晉徒聞顛旻拜遭逢未

若萬松山

雷水由來有夙緣昨來猶記近殘年雪中把酒重商畧得附名

公勝事傳

春日散給口糧籽種心憫灾黎兼防冒濫爰賦二律

李希賢

花放愛春陽爭奈田疇夙已荒百畝何從營宿麥千家列

缺農張炊烟欲起周茅屋粒米頻頒出太倉我是東蒙守土

豐隆號號雨瀟瀟屋角連牀勢動插不辨碎鞦韆一派知它是竹是甘蔗

林際烟收欲曙時猶聽滴瀝在茅茨先生何事披衣早為賦宵來喜雨詩

濬柳青河

蘭山令 王 埏

極望清漣影人稱孝感河柳青河一名孝感茶芽看湧出源發茶芽山沂水

紀經過至老莊滙入沂河草長湍流失沙深阻滯多辛勤苦畚鍤鑿

去陂陀

修沂河堤二首

前 名

沂河源遠自青州南向琅邪汗漫流五水並歸憂浩蕩初水凍水汶水

沂州府志 卷之三十五 藝文 三

柳青河陷沉兩支分去患滄留一入駱馬湖一入運河高莊沙岸參差築

東岸自高莊起埠左堤工次第修西岸自埠左起烟火四郊俱赤子肯教部屋

逐浮漚

衝決年來岸盡殘江風極望苦迴瀾江風口係歷年衝決處長波激處堆

沙滑駭浪碎時設壩難取厲不辭臨路險截流惟善築堤寬星

奔雨宿尋常事却幸吾民得永安

過孝婦塚

前 名

養姑甘不嫁此念已通神何待三年旱纔知感格頻

沂河

劉 俟 沂水

亂山東走近城開水下平原勢倒來波帶夕陽明難燦光浮

草照樓臺風陰低浸千峯入柳色斜縈兩岸迴解道船如天上坐不妨擊楫傍溪隈

日照入泮舊例十二名雍正元年廣額十五恭紀六韻

郭位日照廩生

盛世師儒重弦歌近有加遍栽桃李樹共泛斗牛槎瑞應宮牆柳
光生泮壁花文波饒雨露學海幻龍蛇滿地皆芹草無方不物
華由庚誰欵步參贊覆紅紗

巳卯琅邪書院落成喜賦十六韻

李聿炳日照生員

水媚明珠出山輝白玉宣禮崇興器典詩詠作人篇漠漠艾山
側洋洋沂水邊規模當創始制度未圖全忽慶名公至咸知福

沂州府志卷之三十五 藝文

三

耀懸牧民完五袴造士感三銓謂是羣功奏寧餘一簣憇鵝湖
傳素業鹿洞擴真詮教育惟期廣經營罔有偏名區方選擇往
哲動留連經寫黃庭後踪遺普照前曬書披故徑澤筆挹清研
祠永春秋祀橋通弟子員翬飛呈藻彩魚化藉雲烟時雨露千
里春風播一天祇應同下士長此頌陶甄

由郟城駱馬湖出黃河抵淮浦

李以寧蜀營山

駱馬湖邊路積陰生夏寒雲奔催急雨雷殷音隱走鳴湍淮浦千
帆集河流兩岍寬湯湯音商東逝水聞已障狂瀾音將成

賦

明

東蒙山賦

公 鼐

原夫麗山氏之分布元氣也觀其次序相其經緯產生山谷以育萬類其在陽州申土則震帝之攸出也天孫之攸居也於是五嶽之首出焉命其名曰岱宗岱宗之亞爰有東蒙神禹因之以藝淮徐魯公有之以荒大東顏母鍾之以誕聖尼父登之以命名培塿敖巨邱阜云亭拱乾儀而作柱亘坤維而處中在奎之野則上天之武庫也在魯之分則九州之輿區也推其方位則青帝重華之司理也稽其疆域則少皞大庭之封殖也瑯邪

沂州府志

卷之三十五

藝文

三

在其東則秦臺之隆崇焉徂來在其西則竹溪之幽勝焉大嶼處其北則穆陵之嶮巖焉鄒嶧處其南則書門之空洞焉雄都巨鎮名山大川千百萬億綿絡周環孔穴相通縷脉相連輪囷埋塞融結彌漫積德宣氣會於茲山其廣數百里其高八千尋左青右兗襟淄帶澗向淮之陽背濟之陰首飲東院之麓尾入長河之津其峯七十有二其洞二十有六內絕涯際外峙嶙峋控中華而跨江表履海嶽而戴星辰上則朦朧邈忽溟濛漫漈含霧出雲侵極歷漢下則雨香芝露瑤石玉林紆譎突屢鬱律陰森冠以香爐之形環以向背之勢界以瀑布之流藏以洞天

之秘霍以袂塵之風周以廣野之氣竦岫懸崖殊態竒致層

參差膠盪四序隔閼日月虧蔽亭午方中羲和絕晷薰夏
炎蒸凝沍淒廳嶢峴萃畢穢辟寵從凌列缺兮吸沆瀣憑歎歎
兮窺鴻濛絡繹兮盤旋而鱗次趨走兮端拱而朝宗澹兮雲中
之垂翠黛幻兮天際之駕長虹玲瓏虛透若珠光之在夜青葱
明麗若蓮花之在空危石絕巖嶽峭崩騰離離齒齒磊砢縱橫
立如砥柱峭如鉅鋒隱如伏虎突如驚龍燦爛如雲霞之興蔚
起沒如波濤之瀾溶飛泉萬仞急湍千尺下臨九旋之淵上倍
暖絃之壁批巖赴壑衝澗激石響同雷轉散若雪集濺沫濛鬆
泌泌滄滄滂滂粉汎洶湧沕涌初漫汗而紆餘又滂汎而滅涓
液湲汪泚澆潏滴瀝長輪遠遊機發颺疾流爲汭汶滙爲雷澤

底無潛甲土無寧翼遐視逖聽恬愉慄慄擊節揚音倏驚倏愕
於是神蛟奮鬣赤螭振鱗元駒白驥潛岩處深文魚鮮鯽煩
繫紛紜涌泉之鯉濯波之鱣編魴鰈鱒鯉鱸鱠噉沸鬱攢
聚浮沉鉛松怪石青濛五雲雙飛比目奉符獻珍藻玉瑛瑛丹
堊塔林瑋瑋青碧琥珀斑璘蟻珠丹粟揚光飛文崢嶸奪目浩
乎無垠其木則卷柏樓松靈椿文柿圍以柁栝雜以楷枳柞榆
槐棟檀梧杞梓龍鱗鐵質盤踞拱峙披拂膠輶卷孳歿旣奇實
珍果林檎香柿安平之棗閻河之桂秦人之桃朱仲之李郁郁
芬芬葳葳薺薺卑鄧林而不追掩雲夢而靡紀其草則文黃澤
姑紫丹蘼蕪銅芸膏木芸蒿斡珠松腴羊翳地髓天蘇巔棘布

結鹿竹扶疎將離爛熳周盈華萼連
枝玉女當塗芡苡赤箭如蘆菖蒲吐芳競秀
觀應接不如國子之所不能博炎帝之所不能圖其
載飛翡翠振翰翱翔往來呈輝耀豔鴛鴦鶴鴒鳧尺鷃沙浦
棲鴻高林集鶴元猿素雌悲嘯宛轉玉衡爲鴟瑤光爲鷲知歲
相風鳥鵲之能含珠懷珍雀雉之變豐狐野馬狡兔黃獨吳牛
豔狸駢羸麋鹿戴角啣齒千類萬族跳躑陸梁颿颿逐逐又乃
豺狼絕跡荆棘不生石花成飴六月層冰青鸞高翥彩鳳和鳴
古壇陰洞十洲五城金篋玉笈浩浩冥冥有王母之會五嶽之
形宵兮清隱之篆杳乎紫金之經安期之所延佇偃佺之所聽

沂州府志

卷之三十五

藝文

五

營姑射妨其綿邈崑嶽失其峻嶒於是
有鹿裘念一之夫伽黎修慧之子無商嶽而長留入天台而至止結以璿臺環以玉水
烟靄下上林薄迤邐石鏡懸瓊丹霞散綺垂翳跨谷敷華被泚
函昔鮮妍篔簹茂美秋月初流晨光欲起霜文夕照陸離互綺
清風鳴條飛泉入耳遙翠踈嵐幽流澹渚干柯向榮五芝競紫
吐靈納妙攄竒獻詭萬有皆空坐臨無時仰眺俯觀遺生忘死
聞之者影駭當之者神顛九洛之眩矚極矣六合之奧妙備矣
爾乃駕玉虬驂元鶴乘倒影排闥闔窺鉤陳攀斗杓登仙巔而
振衣躋龜峯而飛舄長睇却顧容與奮矚宏情坱軋溟濛寥廓
素女鼓瑟招搖閃灼飛揚燎燭刻刻燐燐邀羨門於崑峒晤宓

如於廣莫飲琬琰之膏採素蓮之萼服丹邱之茗奏瑤池之樂
心澄魂怡盪駭駭愕厭欲界之糾紛觀蒼旻之磅礴曳五雲之
章垂火玉之珮叩金梁之曲彈流黃之鏐仰天闔俯大壑乃眷
東顧而作歌曰登崇山兮望殊庭驂鳳駕兮揚霓旌招巫咸兮
延太乙接盧敖兮溯紫清崑崙悅惚兮弱水滌滌神州蒼茫兮
裊海溟溟吾將安適兮溘埃風而上征